

Na osnovu člana 56. stav 2. Zakona o prostornom uređenju ("Službene novine Kantona Sarajevo", br. 13/99, 19/99, 24/01 i 32/01), člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", br. 12/98 i 14/98), Gradsko vijeće Grada Sarajeva je na sjednici održanoj dana 27. januara 2004. godine donijelo

ODLUKU

O IZMJENAMA I DOPUNAMA ODLUKE O PROVOĐENJU REGULACIONOG PLANA PROSTORNE CJELINE "BJELAVE-NEMANJINA" (ČEKALUŠA)

Član 1.

Ovom odlukom vrše se Izmjene i dopune Odluke o provođenju Regulacionog plana prostorne cjeline "Bjelave-Nemanjina" (Čekaluša) objavljene u "Službenim novinama Grada Sarajeva", broj 12/91 (u daljem tekstu: Odluka).

Član 2.

U članu 5. tačka a) Odluke, riječi u zagradi "karta broj 16" se brišu.

Član 3.

U članu 5. tačka b) Odluke, riječi: "investiciono-tehničke dokumentacije" zamjenjuju se riječima: "uslova definisanih Regulacionim planom i ovom odlukom", a riječ "ostalim" se briše.

Član 4.

U članu 6. Odluke vrše se sljedeće izmjene i dopune:

- Alineja 6. se mijenja i glasi: "Predviđena markica za nove objekte na neizgrađenim građevinskim parcelama nije obavezna i predstavlja procjenu prostornih mogućnosti. Ukoliko se Regulacionim planom predviđena markica mijenja, nova markica mora ispoštovati utvrđenu regulacionu liniju i građevinsku liniju prema ulici, distancu od 6,0 m prema susjedu, spratnost predviđenu Regulacionim planom i maksimalno tlocrtno povećanje od 20%. Povećanje markice se ne može odobriti ukoliko P_i - procenat izgrađenosti, kao i Regulacionim planom utvrđeni koeficijent izgrađenosti - K_i , prelaze veličine za određeni blok. Provjeru mogućnosti izmjene predviđene markice vrši nadležni općinski organ uvidom na terenu i procjenom prostornih mogućnosti".
- Alineja 7. se briše.
- U alineji 8. iza riječi "koeficijent" dodaje se riječ "izgrađenosti".
- U alineji 9. riječi: "riješiti u idejnim projektima objekata koji ne mogu" mijenjaju se riječima: "utvrditi u idejnom projektu objekta koji ne može", a riječi: "na isti način" se brišu.
- Alineja 10. se mijenja i glasi: "Na tretiranom području moguće je odobriti građevinske intervencije na postojećim objektima i to: zamjena postojećeg stambenog fonda, korištenje potkrovlja, izgradnja mansardi, dogradnja objekta, promjena namjena. Za navedene intervencije urbanističko-tehničke uslove utvrđuje nadležni općinski organ u skladu sa prostornim mogućnostima, pri čemu je obavezan ispoštovati regulacionu i građevinsku liniju prema ulici, uz uslov obezbjeđenja adekvatnih parking ili garažnih mjesta."
- Alineja 11. se mijenja i glasi: "Na površinama unutar Regulacionog plana, gdje je

utvrđena ambijentalna vrijednost, moguće je odobriti sljedeće intervencije: restauracija, adaptacija, sanacija, rekonstrukcija".

- U alineji 12. iza riječi "izgradnja", riječ "objekata" briše se.
- Alineja 14. se mijenja i glasi: "U unutrašnjim dijelovima stambenih blokova formiranih izgradnjom uz gradske saobraćajnice se ne može odobriti izgradnja novih fizičkih struktura, a mogu se koristiti kao zajednički prostori, prostori za igru djece, vrtovi i sl. Postojeći objekti unutar formiranih blokova se ne mogu dograđivati ili nadograđivati, ali se može odobriti rekonstrukcija, sanacija, adaptacija i svi drugi zahvati koji se ne odnose na povećanje zatečene bruto građevinske površine (BGP)."

Alineja 15. se briše.

Član 5.

U članu 7. stav 1. Odluke se briše.

U istom članu u stavu 2. riječ "sam" se briše, a na kraju rečenice umjesto tačke stavlja se zarez i dodaju se riječi: "u skladu sa članom 6. alineja 9".

U istom članu stav 3. se mijenja i glasi:

"Pomoćni objekti na građevinskim parcelama se ne mogu odobriti izuzev objekata koji su u funkciji kvalitetnijeg življenja, kao što su hladnjaci, roštilji, nastrešnice za roštilje, ljetnje kuhinje itd. Urbanističko-tehničke uslove za izgradnju ovih objekata utvrđuje nadležni općinski organ u skladu sa prostornim mogućnostima."

Član 6.

U članu 8. Odluke brišu se riječi: "postojećih individualnih", riječi: "su u okvirima" se mijenjaju riječima: "se mogu uspostaviti ako su u okviru", a riječi: "to oni" se mijenjaju riječju "drugi".

Na kraju člana dodaje se novi tekst koji glasi: "U ovom slučaju obavezno je obezbijediti dodatne površine za parkiranje na pripadajućoj parceli, a prema normativu jedno parking mjesto za svakih 60 m² BGP (bruto-građevinske površine). Ukoliko ne postoje prostorne mogućnosti da se obezbijedi dodatni broj parking mjesta ne može se odobriti ni uspostavljanje poslovnog prostora".

Član 7.

Član 9. mijenja se i glasi:

"Na površini rezervisanoj za potrebe Medicinskog fakulteta i Klinike za očne bolesti, urbanističko-tehničke uslove, u skladu sa potrebama ovih i drugih investitora utvrđuje nadležni organ, s tim da je obavezno poštivanje Regulacionim planom utvrđene građevinske linije"

Član 8.

Član 11. se mijenja i glasi:

"Unutar, Regulacionim planom utvrđenih trokutova preglednosti, ne mogu se odobriti bilo kakve intervencije koje utiču na preglednost raskrsnice".

Član 9.

U članu 12. brišu se riječi: "i to kao skladište ili kao skladišni prostor".

Član 10.

Član 14. se briše

Član 11.

Član 15. se mijenja i glasi:

"Na cijelom području koje obrađuje Regulatorni plan obavezna je primjena normativa iz Uredbe o urbanističko-tehničkim uvjetima, prostornim standardima i normativima za otklanjanje i sprečavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00)".

Član 12.

Član 19. se mijenja i glasi:

"U zonama, koje su utvrđene kao ambijentalne, prilikom izdavanja urbanističke saglasnosti za intervencije u prostoru, urbanističko-tehničke uslove i uslove oblikovanja treba pribaviti od Kantonalnog zavoda za zaštitu kulturno-historijskog i prirodnog nasljedja Sarajevo".

Član 13.

Ova odluka stupa na snagu osam dana od dana objavljivanja u "Službenim novinama Kantona Sarajevo".

Broj 01-02-234/04 Predsjedavajuća Gradskog
27. januara 2004. godine vijeća prof. dr. **Mira Jadrić Winterhalter**, s. r.

Gradonačelnik

Rješavajući po zahtjevu Udruženja "Klub gradova pobratima", Sarajevo, Gradačaka 17/5, za upotrebu imena Grada Sarajeva radi unošenja u naziv Udruženja, podnesenog 19. 1. 2004. godine, a na osnovu člana 8. stav 1. Odluke o upotrebi grba, imena i isticanju zastave Grada Sarajeva ("Službene novine Kantona Sarajevo", broj 1/01), gradonačelnik Grada Sarajeva donosi

RJEŠENJE

O UPOTREBI IMENA GRADA SARAJEVA

1. Odobrava se Udruženju "Sarajevski klub gradova pobratima" da u svom nazivu sadrži ime Grada Sarajeva.
2. Udruženje "Sarajevski klub gradova pobratima" ne može bez posebnog odobrenja gradonačelnika Grada Sarajeva prenositi ovo odobrenje na pravne subjekte kojima je osnivač, niti ime Grada Sarajeva koristiti u svrhe koje nisu odobrene.
3. Udruženje "Sarajevski klub gradova pobratima" oslobada se plaćanja naknade za upotrebu imena Grada Sarajeva, u skladu sa Kriterijima za utvrđivanje naknade po osnovu upotrebe grba ili imena Grada Sarajeva ("Službene novine Kantona Sarajevo", broj 26/03).
4. Udruženje "Sarajevski klub gradova pobratima" dužan je da obavijesti gradonačelnika Grada Sarajeva o svim promjenama svoga statusa, programskih ciljeva, djelatnosti, sjedišta, adrese i drugih relevantnih podataka, kao i o odlukama nadležnih organa o eventualnoj zabrani vršenja djelatnosti, prestanku rada, stečaju i slično.
5. Gradonačelnik Grada Sarajeva će opozvati ovo rješenje ukoliko se utvrdi da Udruženje "Sarajevski klub gradova pobratima" svojim djelovanjem ne afirmiše ugled Grada Sarajeva ili da više ne ispunjava uslove zbog kojih je izdato ovo rješenje.
6. Ovo rješenje će se objaviti u "Službenim novinama Kantona Sarajevo".
7. Ovo rješenje stupa na snagu danom dostavljanja.

Broj 01-05-359/04 Gradonačelnik
23. januara 2004. godine prof. dr. **Muhidin Hamamdžić**, s. r.

Rješavajući po zahtjevu Međunarodnog aerodroma "Sarajevo" d.o.o. Sarajevo, Kasindolska cesta 136, za upotrebu imena Grada Sarajeva radi unošenja u naziv Društva, podnesenog 16. 1. 2004. godine, a na osnovu člana 8. stav 1. Odluke o upotrebi grba, imena i isticanju zastave Grada Sarajeva ("Službene novine Kantona Sarajevo", broj 1/01), gradonačelnik Grada Sarajeva donosi

RJEŠENJE

O UPOTREBI IMENA GRADA SARAJEVA

1. Odobrava se Privrednom društvu - Međunarodni aerodrom "Sarajevo" d.o.o. Sarajevo da u svom nazivu sadrži ime Grada Sarajeva.
2. Međunarodni aerodrom "Sarajevo", d.o.o. Sarajevo ne može bez posebnog odobrenja gradonačelnika Grada Sarajeva prenositi ovo odobrenje na pravne subjekte kojima je osnivač, niti ime Grada Sarajeva koristiti u svrhe koje nisu odobrene.
3. Međunarodni aerodrom "Sarajevo" d.o.o. Sarajevo će plaćati naknadu za upotrebu imena Grada Sarajeva u iznosu 1.560,00 KM godišnje ili 130,00 KM mjesečno, u skladu sa Kriterijima za utvrđivanje naknade po osnovu upotrebe grba ili imena Grada Sarajeva ("Službene novine Kantona Sarajevo", broj 26/03).
4. Međunarodni aerodrom "Sarajevo", d.o.o. Sarajevo dužan je da obavijesti gradonačelnika Grada Sarajeva o svim promjenama svoga statusa, programskih ciljeva, djelatnosti, sjedišta, adrese i drugih relevantnih podataka, kao i o odlukama nadležnih organa o eventualnoj zabrani vršenja djelatnosti, prestanku rada, stečaju i slično.
5. Gradonačelnik Grada Sarajeva će opozvati ovo rješenje ukoliko se utvrdi da Međunarodni aerodrom "Sarajevo", d.o.o. Sarajevo svojim djelovanjem ne afirmiše ugled Grada Sarajeva ili da više ne ispunjava uslove zbog kojih je izdato ovo rješenje.
6. Ovo rješenje će se objaviti u "Službenim novinama Kantona Sarajevo".
7. Ovo rješenje stupa na snagu danom dostavljanja.

Broj 01-05-360/04 Gradonačelnik
23. januara 2004. godine prof. dr. **Muhidin Hamamdžić**, s. r.

Rješavajući po zahtjevu "Fabrike duhana Sarajevo" d.d. Sarajevo, Pofalići 5, za upotrebu imena Grada Sarajeva radi unošenja u naziv Društva, podnesenog 4. 7. 2003. godine, a na osnovu člana 8. stav 1. Odluke o upotrebi grba, imena i isticanju zastave Grada Sarajeva ("Službene novine Kantona Sarajevo", broj 1/01), gradonačelnik Grada Sarajeva donosi

RJEŠENJE

O UPOTREBI IMENA GRADA SARAJEVA

1. Odobrava se Privrednom društvu "Fabrika duhana Sarajevo" d.d. da u svom nazivu sadrži ime Grada Sarajeva.
2. "Fabrika duhana Sarajevo" d.d. Sarajevo ne može bez posebnog odobrenja gradonačelnika Grada Sarajeva prenositi ovo odobrenje na pravne subjekte kojima je osnivač, niti ime Grada Sarajeva koristiti u svrhe koje nisu odobrene.
3. "Fabrika duhana Sarajevo" d.d. Sarajevo će plaćati naknadu za upotrebu imena Grada Sarajeva u iznosu 2.400,00 KM godišnje ili 200,00 KM mjesečno, u skladu sa Kriterijima za utvrđivanje naknade po osnovu upotrebe grba ili imena Grada Sarajeva ("Službene novine Kantona Sarajevo", broj 26/03).
4. "Fabrika duhana Sarajevo" d.d. Sarajevo dužna je obavijestiti gradonačelnika Grada Sarajeva o svim promjenama svoga statusa, programskih ciljeva,